

## Von guten

## Für die hitzige Augen.

Seud Fenchel mit dem Kraut / vnd so du  
das Kraut nit haben magst / so nim den Sa-  
men vnd siede den mit Brunnenwasser / auff  
ein Glas voll / zu trincken ein Tag / so verge-  
het die vnnatürliche Hitz / vnd macht ein gut  
Gesicht.

Für das Kinnen oder Triessen der  
Augen.

Nim trucken Keblaub / Attichkraut / Ho-  
nig / gleich mit einander wol vermischet vnd  
gestossen / den Safft davon durch ein Tuch  
gedruckt / vnd die Augen damit bestrichen / es  
macht sie schön vnd trucken.

## Für die Milben im Haar:

Wasche die schön mit Lauge / wie ge-  
wonheit ist / vnd laß dir das Haar ein wenig  
ebnen mit einem Scherlein / vnd wenn das  
Haar trucken wird / so nim denn Baumöl /  
vnd Nußöl gleich als viel / vnd schmiere das  
Haar damit / die Milben vergehen / ehe du es  
zweymal gethust.

Wer gerne viel vnd dicke Haar ha-  
ben wil.

Wilt du haben / daß dir viel Haar wächset /  
daß